

milites Germani octoginta (neque enim fere plures capere locus exiguus poterat) qui se fortissime defendebant : in quos cum a reipublicæ militibus tormenta exercerentur, pilæ, quas emitterent, ipsos defecerunt: eamque ob rem differri oppugnationem necessitas cogebat. atque unus ex agrestibus, qui aderant, desiderari pilas sentiens, ad præfectos accurrens, *Ego vobis, inquit, opportune pilas dabo*: ad proximumque ei loco tumulum eos duxit, quo a tumulo pilæ ferreæ triginta tegebantur, quas hostes abscondiderant. Haud facile dictu est, quantum in bello fortuna possit. nam ut casus tulit, ut is agrestis, qui sciret eas ibi pilas esse, illo temporis puncto eodem venerit, quæque dicerentur, audierit: ita casu magno factum est, ut pilæ hostium tormentis reipublicæ ita convenirent, ut ad id confectæ viderentur: infartæque iis & ejaculatæ perfecerint, ut arx eo die caperetur cum Germanorum omnium interitu, præter eorum præfectum, qui ad urbem vivus est perductus: quam quidem paulo post senatus arcem magnis munitionibus tutiorem reddidit. Atque est eodem in itinere ter mille passus ante Scalam mons faxeus præcellus maximeque directus ad perpendicularum viæ imminens, in cuius superiore parte ipso in faxo specus cum perennis aquæ fonte natura factum homines concinnaverunt, arcemque parvam ex eo effecerunt. Ea omnino arx adiri pedibus non potest: fune autem demisso cum lignea sedecula, singuli homines rota desuper vertente attolluntur: ac quidquid aliarum rerum inferendum est, eodem uno sublevatur, atque in arcem importatur modo. Ei arcis inter montem flumenque quod arctam atque angustam vallem dirimit, subest ea, de qua dixi, perexigua sane via, qua commeari iis, qui in arce sunt, invitis licet nulli: propterea quod faxis modo ab ea devolutis quoslibet obrui atque interfici nullum negotium est. Ea quoque arx, quam Covolum appellant, eorum deditione qui illam custodiebant, ad rempublicam rediit. In Iliis etiam præda celebris ab Epirotis est equitibus & cædes hostium facta.

*Covoli arcis
descriptio.*